

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

RAMADAN MUBARAK!

25 Mai 2018
(09 Ramadhan 1439 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor: « Bane Sagesses & Leçons du Jeûne (Sawm/Roza) ».

Sa mois béni de Ramadan là, li bien important pour nous comprend bane sagesses et leçons ki nous bizin tirer dans sa mois là, pour ki li continuer après le mois de Ramadan. Ena bane sagesses et bane leçons importants à tous so niveaux, mais malheureusement, ena beaucoup musulmans pas prend sa mois là en considération et donne li so valeur ki li mérité, tandis ki li ene bien-être pour nous-mêmes dans so l'aspect physique, morale, spirituel et mondaine. Sa faire moi maziné ki ene *Sahabi* (ra) fine rapporté ki Rassoollullah (saws) fine dire: « Pas faire de sorte ki le jour ki ou Roza et jour ki ou pas Roza pareil. »

Séki pé rode dire, ou bane comportements, attitudes et l'apparence bizin pareil, ki nous *Roza* ou non, mais bane zaffaires ki nous ti pé faire kan nous pas ti *Roza*, par exemple, guette télévision, faire Ribat, vey zaffaires dimounes, la guerre, discuter, zouré, cause beaucoup, pas faire Namaz dans l'heure, pas habituer lire Quran, pas faire *Zikr*, jouer lors ordinateur ou gambling etc., eh bien dans mois Ramadan ou

bizin éloigne ou avec tous sa bane zaffaires là et remplace tous sa là par bane bonne actions ki pou plaire Allah. Faire beaucoup *Zikr*, lire beaucoup le Quran Shareef, faire bane Namaz *Nafil*, aide bane pauvres, contrôle ou la langue pour pas zouré, ni alle cause menti kot ou *Roza* capave rejeter par Allah (swt).

Couma Allah (swt) même fine dire dans Quran ki: « **Le mois de Ramadan dans lequel fine faire Quran déssane, comme ene guide pour bane dimounes et comme ene preuve claire de la guidance et de discernement. Donc, n'importe ki sanlà parmi zot gagne sa mois là li bizin garde so *Roza*.** » (Al-Baqara 2: 186).

Rassoollullah (saws) fine dire: « *L'Islam li construire lors cinq piliers: Témoigner ki personne pas digne d'adoration apart Allah et ki Muhammad (saws) le Messenger d'Allah, établir la prière, donne Zakaat, accomplir Hajj et garde Roza dans Ramadan.* » (Bukhari, Muslim).

Et li (saws) fine aussi dire: « *Zot fine recevoir Ramadan, ene mois béni, dans lequel Allah fine faire Roza Farz. Dans Ramadan la porte Jannat ouvert et la porte Jahannam fermer et le révoltant (Shaytan) li enchaîner. Dans mois Ramadan ena ene la nuit (Laylatul Qadr) ki plus meilleur ki mille mois. Celui ki pas fine profite de so profits vraiment li ene perdant.* » (An-Nasai).

Roza faire nous gagne la piété, couma Allah fine dire dans Quran: « **Ô bane ki ena la foi! Le jeûne (carême) fine prescrire lors zot, pareil couma ti prescrire lors bane ki ti avant zot pour ki zot vine pieux.** » (Al-Baqara 2: 184).

Quand *fitna* apparaite, éteigne li avec la piété (*Taqwa*). **Taqwa**, c'est quoi? C'est abandonne désobéissance envers Allah, par frayeur pour Li (Allah). Sa c'est meilleur définition de la piété envers Allah (*Taqwa*).

Pour sak action bizin ena ene commencement et ene but. Et action pas pour considérer comme ene action obéissance, ou proche d'Allah si li pas commence par ene *Iman* (la foi) pure et confiance en Allah. Nous bane actions pas bizin guider par nous bane l'habitudes ou désires, ou bien avec l'intention pour gagne l'honneur ou éloges mais au contraire, li bizin faire pour fer plaisir à Allah et gagne So récompenses. *Roza* li ene façon pour gagne la piété (*Taqwa*), parski li empêche nous faire bane péchés ki nous ti ena tendance faire comme ene ignorant. C'est la raison pour laquelle Rassoollullah (saws) dire: « *Roza c'est ene bouclier avec lequel le serviteur protège li contre du feu.* » (Ahmad).

Nous bizin demande nous-mêmes, après sak jour ki nous garde *Roza*, eski sa *Roza* là fine faire nous plus peur Allah et vine plus obéissant envers Li? Eski sa fine aide nous pour distance nous-mêmes avec bane péchés et la désobéissance?

Dans le mois béni de Ramadan, cherche la proximité d'Allah, kot bizin rapprocher avec Allah (swt) plisse, et nous capave atteindre à Allah en accomplissant bane actions obligatoires, et aussi faire récitation Quran et réfléchi lors so bane signification, augmente la bonté et faire la charité plus, et faire *duah* avec Allah. Nous zefforts dans *Ibaadat* pendant sa mois béni là bizin pli beaucoup ki dans n'importe ki les autres mois, à cause supériorité et récompenses ki Allah fine mette dans sa mois là. Sak *Laila-tul-Qadr* (la Nuit du Destin), la nuit ki pli meilleur ki mille mois - assister bane rassemblements spirituel et faire zefforts dans sa bane actions ki pour faire le cœur alle pli près avec Allah et nous cherche So pardon et So grâce.

Également le grand moyen pour vine pli proche avec Allah dans sa mois là, c'est faire *Itikaaf* (retraite spirituel). Allah fine aussi prescrire *Itikaaf* pour nous, avec l'objectif ki nous le cœur vine complètement préoccupé avec Allah, concentrer lor Li seulement, et pas préoccupé par la création. Nous lé cœur seulement occupé par Allah kot li rempli avec l'amour d'Allah, kot nous rappelle Li, tourne vers Li de tel sorte ki Li prend la place de bane inquiétudes et tracas dans nous lé cœur et nous combatte zot. Ainsi tous nous pensées zot pour Allah, et nous l'esprit engorger dans So souvenir et nous juste penser couma pour rapproche avec Li et pour content Li plisse ki tout les autres zaffaires.

Roza faire gagne *Sabr* (patience). Allah (swt) fine mentionne *Sabr* (patience) près ene centaine places dans Quran. Le mois de patience c'est le mois Ramadan. *Roza* c'est patience parski li empêche nous l'âme manger, boire, gagne relations conjugal et désirs sexuelle. *Roza* li ene façon pour apprane contrôle soi-même et gagne patience. Avec patience nous capave fortifié nous résolution pour adore Allah, avec sincérité, et aussi contrôle nous la vie. Avec patience nous capave retenir nous colère pour pas gâte nous *Roza* et kot Allah capave rejette nous *Roza*. Bane ki incite nous, pour ki nous faire colère, nous prend patience (ene jolie patience) kot avec sa action là, nous gagne ene joli récompense.

Dans sa mois là, nous bizin essaye pou développe ene résolution ferme pour faire bane actions d'obéissance, arme nous même de patience, ena certitude dans

bane paroles de Rassoollullah (saws). Ena ene Hadith de Rassoollullah (saws) kot li dire: « *Aprane ki la victoire vine avec patience, soulagement avec afflictions et facilités avec difficultés.* » (Ahmad).

Donc, avec patience nous capave retenir nous l'âme de gourmandise et mesquinerie et ainsi donne ene partie nous richesse comme *Zakaat*. Avec patience nous capave étouffe bane maladie nous l'âme ki fine attirer par bane attractions de sa lé monde là. *Insha-Allah*. Ki Allah (swt) aide nous et pardonne nous si jamais nous faire kit erreur dans sa mois béni là. *Ameen, Summa Ameen, Ya Rabbul Aalameen*.

ANNONCE & AVERTISSEMENT:

Mayotte depuis le 10 Mai 2018 fine être secoué par bane séismes/ tremblement de terre ene derrière lotte dans ene même jour, et pendant plusieurs jours. Pli grand séisme ki fine enregistrer c'est d'ene magnitude 5.8 lor l'échelle de richter le 15 Mai 2018, et sa fine continuer jusqu'à hier le 24 Mai 2018 d'ene magnitude de 4.7. Mayotte, ki li Grande Terre et Petite Terre, tout fini secoué par sa; et ena place, fine ena ki fine ressenti li pli fort surtout dans bane zones kot bane séismes là fine produire.

Li malheureux pour la Communauté Musulmane Ahmadiyya, ki li à Maurice et à Mayotte pé faire croire ki Ahmadiyyat fine commencer seulement avec la conversion d'ene Mahorais ki fine accepter l'Ahmadiyyat à travers MTA, et ki so bane "premiers" historique fine fer à partir de là, à travers ene de zot missionnaire à Mayotte, ki au lieu li veille so troupeau ki sous so responsabilité, mais li pé essaye fer désordre pour le Jamaat Ul Sahih Al Islam à Mayotte.



Zot pas reconnaite mo bane travaux kot mo fine établir l'Ahmadiyyat à Mayotte en 1997, mais seulement zot pé rode claim propriété ki pas pou zot. Zot pé rode ene propriété ki date de plus de 20 ans et ensuite zot dire ki Ahmadiyyat fine fek établi à Mayotte en 2015, et dans zot rapport même zot dire ki zot fine zoine ene famille à Mayotte ki ti accepter l'Ahmadiyyat ena 20 ans de cela. Bé ki sanlà ti fer

sa famille là rentre dans l'Ahmadiyyat? Couma zot fine gagne le message de l'Ahmadiyyat? Quel mensonge! **Mo lance zot ene défi pour faire ene face à face avec moi:- Le présent Amir Moosa Taujoo, l'Ex-so-called Amir Amine Jowaheer, et zot "grand" missionnaire Usama Umar Joya.** Parski trop beaucoup menti zot pé causer pou induire le monde, surtout bane Ahmadis à travers le monde en erreur, comme-ci dirai dans Maurice pas ena aucaine problème pé passer, kan zot pé mette boycotte - ferme Masjid ene grand jour Eid, pas fer salaam, pas invité, fer toutes sortes kalités complots... **ziska mo la sueur et mo temps-service zot pas fine donne moi!!!** Azordi zot pé passe zot couma victimes, quand de nos jours, zot même zot bane grands fauteurs désordres.

Tout sa kass ki Jamaat Ahmadiyya ena entier le monde là, tous sa finances là mais seulement zot pas foutti asté ene morceau terrain à Mayotte pour construire ene centre et Masjid. Zot rode fourre zot néné dans bane zaffaires du Jamaat Ul Sahih Al Islam et mette désordre. Eh bien mo dire zot, contigner avec zot bane travaux fauteur désordre. Allah pé faire so travail Li. Encore bane calamités zot pou trouver à Mayotte, et pou arrive lor zot-même, zot propre personnes si zot pas arrêter.

Fer ou travail tranquille... Ou fine vine à Mayotte pou fer dimounes reconnaite la véracité du Messie Promis Hazrat Ahmad (as), Non? Fer ou travail tranquille! Ki ou rode mette bâton dans la roue au camarade?!!!

« Ki la malédiction d'Allah tombe lor bane injustes, ki barre le chemin d'Allah, et rode rende li travers, et ki pas croire dans l'au-delà. » (Al-Arraf 7: 45-46).

Sa c'est ene warning pou zot, attention zot dire ki mo pas fine mette zot en garde. Allah pou fer So travail. Après pas vine blâme Allah et So Messenger! La colère d'Allah pou vine plus fort. Bane Ahmadis ki fine gagne la foi à Mayotte, *Mash-Allah, Alhamdulillah*, mais faire attention, fer bane bons travaux, vine bane vrais croyants du Messie Promis (as), et *Insha-Allah*, si zot vraiment sincères, Allah pou guide zot lé cœur pou reconnaite So Khalifatullah aussi, petit à petit... Un petit pas pour un grand future! *Insha-Allah*.

Mo dire mo bane disciples à Mayotte, pas tracasser, pas peur menaces bane sans la foi ki dire zot musulmans sans agir comme musulmans. Fer ou travail tranquille. *Insha-Allah*, Allah pou fer So travail. Prend ene joli patience, et zot pou gagne ene joli récompense. *Insha-Allah, Ameen*.